



Þingskjal nr. 36

Flytjandi Gæðingadómarafélag LH

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir tillögu að jöfnunarsjóði vegna ferða- og gistikostnaðar dómara.

Tillagan orðast svo:

Af hverri skráningu keppanda af öllum skráningum á mótum í Sportfeng verði tekin x upphæð og lögð í sjóð sem að félög geta sótt í eftir að keppnistímabili lýkur. Félögin leggja fram þann kostnað vegna aksturs og gistingu sem að þau hafa greitt vegna dómara á mótum og fá greitt úr þessum sjóði eftir því hlutfalli sem að reglur sjóðsins segja til um.

Greinargerð

Engar reglur eru til sjáanlegar um þann sjóð sem að starfræktur er og var settur á haustið 2021 og ekki er að sjá neinar reglur um úthlutun til félaga úr honum.

Sjóðurinn komi til með að greiða fasta upphæð pr.dómara til mótshaldara og ekki horft til þess hvort rekstur mótsins hafi skilað hagnaði eða tapi.

Tillagan er lögð fram til þess að létta undir með félögum við mótahald og ekki síst til þess að gæta jafnræðis við úthlutun dómara óháð búsetu. Mikilvægt er að sjóðurinn sé sjálfbær rekstrarlega með skráningargjöldum keppenda.



Þingskjal nr. 37

Flytjandi Hestamannafélagið Hörður

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir að fela LH að taka árlega saman tölulegar upplýsingar sem nýtist aðildarfélögunum og samtökunum sjálfum við greiningu á árlegri starfssemi hestamannafélaga.

Greinargerð

Þetta væru upplýsingar um iðkendur og þátttöku þeirra í hvers konar félagsstarfi, námskeiðum, keppni og svo framvegis. Upplýsingarnar væru greindar eftir aldri og kynjum eins og hægt er samkvæmt Sportabler eða öðrum kerfum sem notuð eru til skráningar. Eins myndi LH taka saman í samráði við RML tölur um hrossaræktendur innan félaganna, hversu hátt hlutfall stundar hrossarækt og kynbótastarf. Niðurstöður úr þessum greiningum myndu gera starfið í hestamannafélögunum markvissara og hjálpa við að bæta þjónustu við félagsmenn og sýna hvar þungi félagsstarfsins ætti að liggja.



Þingskjal nr. 38

Flytjandi Hestamannafélagið Hörður

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir að að stofnaður verði starfshópur innan LH um nýliðun í hestamennsku.

Greinargerð

Fyrir síðasta landsþing 2020 var mikið rætt um áherslur í vinnu við nýliðun í hestamennsku. Staðan á þeirri vinnu virðist nokkuð óljós og engin sérstök verkefni virðast vera í gangi innan samtakanna eða nefndarstörf þar sem unnið er sérstaklega að nýliðun. Ekki eingöngu þarf að leggja áherslu á nýliðun meðal barna og ungmenna heldur einnig fullorðinna. Þörf er fyrir sérstakt átak við nýliðun, hestamannafélögin hafa mjög mörg aukið nýliðun meðan barna og unglinga í gegnum félagshesthús en eldri hópar frekar orðið útundan. Best færi á að LH stýrði slíku verkefni og vinnu við greiningu á stöðunni.



Þingskjal nr. 39

Flytjandi Hestamannafélagið Geysir

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir að LH taki Parafimi inn sem keppnisgrein og þar með verði farið með Parafimi eins og aðrar keppnisgreinar sem eru í lögum og reglum LH.

Reglur Parafiminnar má finna á þessari vefslóð:

<https://www.rangarhollin.is/sudurlandsdeildin/parafimi-reglur/>

Greinargerð

Parafimi er keppnisgrein sem keppt hefur verið í Suðurlandsdeildinni í 6 ár. Nú þegar ný grein gæðingafimi verður vonandi samþykkt inn í lög og reglur LH passar að hafa Parafimi með í þeim fjölmörgu keppnisgreinum og keppnisformum sem er innan LH. Með þessari skemmtilegu keppnisgrein vill Geysir hjálpa til við að auka úrvalið á keppnisgreinum á íslenska hestinum.



Þingskjal nr. 40

Flytjandi Hestamannafélagið Geysir

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir að töluverðu fjármagni verði notað í Sportfeng til að Sportfengur uppfærður og komið í þann búning sem hann þarf að vera til að sinna sínu hlutverki í keppnishaldi í íslenskum hestaíþróttum og gæðingakeppni. Einnig að stjórn og tölvunefnd setji inná heimasíðu LH hvaða verkferill er viðhafður ef einhver er með ábendingar um lagfæringu eða hvað má betur fara í Sportfeng. Einnig ef einhver fær góða hugmynd um framþróun á Sportfeng og hvernig er unnið úr þessum ábendingum og hugmyndum.

Greinargerð

Sportfengur er frábært verkfæri en er ekki að fylgja þeirri þróun sem þarf til að uppfylla þær þarfir sem keppnishaldið á Íslandi þarf nú til dags. Hestamannafélög eru að borga háar fjárhæðir til LH fyrir notkun á Sportfeng en samt eru margir nokunarmöguleikar í Sportfeng enþá með miklum göllum. Má þar nefna niðurstöður úr skeiðkappreiðum.



Þingskjal nr. 41

Flytjandi Hestamannafélagið Geysir

Lagt fyrir _____

Tillaga

63. Landsþing Landssambands hestamannafélaga, haldið í Reykjavík 4 -5. nóvember 2022 samþykkir að LH og dómarafélögin HÍDÍ og GDLH fari í viðræður og komi með tillögur á næsta landsþing um hvernig tengin skal vera milli þessara aðila. Einnig hvernig þessir aðilar geti stutt við bakið á hver öðrum í þeim málefnum sem koma upp hverju sinni.

Greinargerð

Ekkert er í lögum LH um tengingu milli þessara aðila. Dómaranefnd er eitt sem þessir aðilar geta gert sameiginlega verklýsingu. Dómaranefnd gæti líka komið að útgáfu reglana um jöfnuarsjóð ferðakostnaðar og uppihalds dómara. Laun dómara þyrfti að taka með í þessa umræðu. Siðareglur varðandi hvað dómara eru að lenda í á mótum og eftir mót. Einnig þyrfti að taka inni þessa dómaranefnd einstaklinga frá hestamannafélögunum sem fulltrúa mótshaldara. Skyldur mótshaldarar og dómara á mótum og þeirra ábyrgð til að efla ímynd hestamennskunnar.